



SYARAT PENGESAHAN DALAM PERKHIDMATAN STAF AKADEMIK

SYARAT PENGESAHAN DALAM PERKHIDMATAN BAGI KAKITANGAN AKADEMIK GRED 45 HINGGA VK7

(Lantikan Sebelum 7 November 2019)

1.
 - a. Pegawai dalam tempoh percubaan yang telah memenuhi semua syarat yang dinyatakan dalam skim perkhidmatan atau apa-apa syarat lain yang boleh ditentukan oleh pihak UKM, adalah layak bagi pengesahan dalam perkhidmatannya;
 - b. Ketua Jabatan hendaklah mengemukakan kepada Jabatan Pendaftar perakuan dalam borang Pengesahan Dalam Perkhidmatan pegawai dalam tempoh satu bulan dari tarikh pegawai itu didapati layak untuk pengesahan;
 - c. Jika Ketua Jabatan gagal mengemukakan perakuan bagi pengesahan pegawai mengikut perkara (b) pegawai berkenaan boleh memohon kepada Jabatan Pendaftar untuk disahkan dan salinan permohonan itu perlu dihantar kepada Ketua Jabatan; dan
 - d. Setelah menerima permohonan di bawah perkara (c), permohonan akan dipertimbangkan dalam Mesyuarat Jawatankuasa Pengesahan Dalam Perkhidmatan.
2. Lulus Peperiksaan Am Kerajaan Perkhidmatan atau hadir dengan jayanya Kursus Induksi yang ditetapkan;
3. Diperakukan oleh Ketua Jabatan;
4. Lulus dengan kepujian Bahasa Malaysia termasuk lulus Ujian Lisan di peringkat SPM atau kelulusan yang diiktiraf setaraf dengannya;
5. Seorang pendidik yang memuaskan;
6. Penerbitan: **(syarat ini tidak terpakai untuk lantikan dari KKM yang telah disah dalam perkhidmatan dan pensyarah pelatih):**
 - a. Dua (2) karya (*perseorangan atau bersama*) yang diterbitkan dalam **jurnal** yang diadili; dan
 - b. Satu (1) karya (*perseorangan atau bersama*) yang diterbitkan dalam **pascasidang**;

**Satu (1) karya (Perseorangan atau bersama) yang diterbitkan dalam pascasidang boleh ditukar kepada membentang kertas di persidangan peringkat antarabangsa dan kebangsaan.

(Petikan LPU Bil. 3/2008 bertarikh 5 Jun 2008)

- Penerbitan dalam **jurnal** atau **pasca sidang** boleh diganti dengan penerbitan buku peringkat universiti (*asli atau terjemahan*). Semua buku yang dikemukakan mestilah diterbitkan oleh penerbit yang diiktiraf dan diperakukuan oleh fakulti serta penerbit yang mempunyai reputasi;
- Laporan teknik yang diadili dan Kajian Kes boleh juga dipertimbangkan;
- Penerbitan dalam *bentuk web/on line* tertakluk:
 - ✓ Jurnal tersebut hendaklah mempunyai ciri-ciri jurnal biasa iaitu mempunyai judul, lembaga pengarang, sistem penilaian dan dikeluarkan dalam bentuk berjilid; dan
 - ✓ Dikemukakan dalam bentuk *hardcopy* kepada Jawatankuasa untuk dinilai.

7. Sekurang-kurangnya satu penyelidikan yang didaftarkan dengan Pusat Pengurusan Penyelidikan dan Inovasi (CRIM);
8. Telah menghadiri 2 kursus berikut: (syarat ini tidak terpakai untuk lantikan dari KKM yang telah disah dalam perkhidmatan dan pensyarah pelatih)
 - i. Kursus Pengajaran dan Pembelajaran Efektif di IPT
 - ii. Kursus Asas Penyelidikan & Penerbitan

(Petikan LPU Bil. 37/2009 bertarikh 9 April 2009)

Khusus Untuk Fakulti Perubatan dan Fakulti Pergigian

1. Bersetuju penerbitan abstrak dalam jurnal atau dalam Buku Abstrak persidangan diambil kira setaraf dengan penerbitan pasca sidang bagi pengesahan jawatan bagi Pensyarah Klinikal yang bekerja di Jabatan Klinikal yang menulis dalam bidang kepakaran masing-masing.

(Minit MPU Bil 16/2004 pada 5 Mei 2004)
2. Bersetuju mengekalkan syarat-syarat pengesahan jawatan Pensyarah Kejururawatan (DS45) yang memberikan kelonggaran khas satu penerbitan sahaja dalam mana-mana kertas seminar ataupun prosiding untuk tujuan pengesahan jawatan Pensyarah Program Kejururawatan sahaja.

(Minit MPU Bil 37/2004 pada 11 Okt 2004)
3. Bersetuju meluluskan kelonggaran syarat pengesahan jawatan untuk Pensyarah Universiti Fakulti Pergigian (Klinikal) sama seperti Pensyarah Perubatan (Klinikal) Fakulti Perubatan.

(Minit MPU Bil 42/2004 pada 24 Nov 2004)

4.
 - a. Pensyarah Gred DU45 lantikan terus dari KKM, Universiti atau mana-mana badan kerajaan yang telah disahkan dalam jawatan mereka semasa berkhidmat di institusi berkenaan disahkan jawatan selepas melalui tempoh percubaan setahun dengan hanya mendapat perakuan daripada Ketua Jabatan dan Dekan tanpa perlu dikenakan syarat penerbitan dan penyelidikan; (**tidak dikenakan syarat penerbitan dan syarat kursus**);
 - b. **Pensyarah Pelatih DU45/DUG45** dikekalkan seperti sekarang iaitu tanpa dikenakan syarat penerbitan dan penyelidikan kerana calon berkenaan sedang mengikuti kursus Sarjana Klinikal yang sememangnya perlu penyediaan penulisan kes dan tesis sebagai syarat lulus. (**tidak dikenakan syarat penerbitan, penyelidikan dan syarat kursus**).

(Minit LPU Bil 2/2004 pada 24 Julai 2004)

5. Pensyarah Perubatan Gred DU 51/53 yang dilantik di PPUKM dan telah disahkan perkhidmatannya di KKM/Badan Kerajaan boleh disahkan dalam tempoh enam (6) bulan bagi memastikan kemudahan yang diperoleh oleh kakitangan berkenaan semasa berkhidmat di KKM/Badan kerajaan terus dinikmati oleh mereka seperti pinjaman perumahan, kenderaan, cuti belajar, kursus pendek/panjang dan lain-lain. (**tidak dikenakan syarat penerbitan dan syarat kursus**).

(Minit MPU Bil 1/2009 pada 6 Januari 2009)